



KEMENTERIAN PENDIDIKAN MALAYSIA

Jabatan Pendidikan Wilayah Persekutuan Kuala Lumpur
Persiaran Tuanku Syed Sirajuddin
50604 Kuala Lumpur

Tel : 03 6204 6000
Fax : 03 6204 6801
Portal : jpwpkl.moe.gov.my
E-mel : jpn.wp@moe.gov.my

Ruj. Kami : JPWPKL 600 - 10/2/1(37)
Tarikh : 28 April 2021

**Pengetua
Sekolah Menengah Kuala Lumpur**

Tuan/Puan,

HEBAHAN PERTANDINGAN FORUM REMAJA 2021 SECARA DALAM TALIAN

Dengan sukacitanya perkara di atas dirujuk.

2. Dimaklumkan bahawa Dewan Bahasa dan Pustaka (DBP) Wilayah Tengah akan menganjurkan Pertandingan Forum Remaja 2021 secara dalam talian. Pertandingan ini merupakan aktiviti tahunan DBP dengan kerjasama Jabatan Pendidikan Wilayah Persekutuan Kuala Lumpur (JPWPKL).

3. Sehubungan dengan itu, kerjasama tuan/puan adalah dimohon untuk menggalakkan penyertaan murid tuan/puan untuk menyertai pertandingan tersebut. **Penyertaan pertandingan ini terhad kepada 30 penyertaan terawal sahaja. Tarikh akhir penghantaran borang dan video ialah pada atau sebelum 30 Mei 2021. Sekolah akan dihubungi oleh pihak urusetia untuk pengesahan.** Borang penyertaan yang lengkap serta video pertandingan hendaklah dihantar melalui pautan berikut:

Forum Remaja : <http://forms.gle/UnRV4MTTD1Ltmvpm7>

4. Bersama-sama ini disertakan kertas konsep pertandingan tersebut untuk makluman dan tindakan tuan/puan selanjutnya.

JPWPKL 600 - 10/2/1(37)

5. Sebarang pertanyaan pihak tuan/puan boleh menghubungi **Puan Azlin binti Asmuni(DBP)** (03-21479208 / e-mel azlin_asmuni@dbp.gov.my) atau **Encik Sanusi Azri bin A. Mansur** melalui talian **03-62046858** untuk sebarang pertanyaan.

Sekian, terima kasih.

“PRIHATIN RAKYAT: DARURAT MEMERANGI COVID-19”

“BERKHIDMAT UNTUK NEGARA”


Saya yang menjalankan amanah,



(ZAINAL BIN ABAS)
Pengarah Pendidikan
Jabatan Pendidikan Wilayah Persekutuan Kuala Lumpur

- s.k.
- i. Timbalan Pengarah Pendidikan, Sektor Pembangunan Murid
 - ii. Ketua Penolong Pengarah, Unit Pembangunan Bakat Murid, Sektor Pembangunan Murid
 - iii. Pegawai Pendidikan Daerah, Pejabat Pendidikan Daerah Bangsar/Pudu, Keramat dan Sentul

sns/forumremajadbp21



KEMENTERIAN PENDIDIKAN MALAYSIA

KERTAS KONSEP

PERTANDINGAN FORUM REMAJA 2021

anjukan
DEWAN BAHASA DAN PUSTAKA

dengan kerjasama
KEMENTERIAN PENDIDIKAN MALAYSIA

SYARAT DAN PERATURAN PERTANDINGAN FORUM REMAJA 2021

1. LATAR BELAKANG

- 1.1 Pertandingan Forum Remaja telah dimulakan pada tahun 1989 sebagai menyahut seruan kerajaan supaya sebutan baku digunakan sepenuhnya di sekolah selaras dengan pelaksanaan Kurikulum Baru Sekolah Menengah pada tahun 1988 pada ketika itu.
- 1.2 Pertandingan ini dilaksanakan sebagai salah satu inisiatif dalam mencapai Dasar Memartabatkan Bahasa Melayu oleh kerajaan untuk mewujudkan penggunaan bahasa Melayu yang seragam terutama daripada aspek sebutan baku dalam kalangan pelajar. Oleh yang demikian, Dewan Bahasa dan Pustaka (DBP) melalui Bahagian Pengembangan Kesusasteraan Kanak-kanak dan Remaja dan Bahagian Sukan, Kokurikulum dan Kesenian, Kementerian Pendidikan Malaysia (KPM) melaksanakan pertandingan ini sebagai salah satu langkah bagi merealisasikan hasrat tersebut.
- 1.3 Pertandingan ini juga sentiasa mendapat kerjasama pelbagai pihak antaranya termasuklah (KGMMB) dalam menyokong usaha DBP untuk menggalakkan penggunaan bahasa kebangsaan dengan betul dan menjadikan bahasa Melayu sebagai bahasa komunikasi yang cekap serta berkesan dalam semua bidang terutama dalam proses intelektual pelajar.

2. OBJEKTIF

- 2.1 Memberikan ruang dan galakan kepada pelajar sekolah menggunakan bahasa Melayu baku yang akhirnya akan melahirkan satu model penggunaan bahasa baku yang baik dan berkesan dari segi tatabahasa, sebutan dan gaya.
- 2.2 Melahirkan pelajar yang berkeyakinan tinggi dan berketerampilan serta berkebolehan berhujah dan mengungkapkan buah fikiran dalam bahasa Melayu dengan baik dan berkesan.
- 2.3 Menggalakkan penglibatan pelajar dalam kegiatan koakademik dengan bimbingan guru dalam mencari idea yang bernas dan fakta yang tepat tentang tajuk yang dibincangkan. Secara tidak langsung, pertandingan ini membina hubungan kerjasama antara pelajar, dan pelajar dengan guru.
- 2.4 Meningkatkan imej DBP sebagai agensi penggalak pengembangan bahasa dan persuratan Melayu melalui kegiatan kebahasaan.

3. PENYERTAAN

- 3.1 Pertandingan ini terbuka kepada sekolah-sekolah menengah di bawah kelolaan Kementerian Pendidikan Malaysia (KPM) untuk murid-murid tingkatan empat hingga tingkatan enam.
- 3.2 Permohonan untuk menyertai pertandingan ini perlu melalui pihak sekolah dan mendapat kebenaran daripada ibu bapa.

- 3.3 Setiap sekolah hanya boleh menghantar satu (1) pasukan.
- 3.4 Setiap pasukan terdiri daripada lima (5) orang ahli, iaitu seorang pengerusi, tiga orang ahli panel dan seorang peserta simpanan dari sekolah yang sama.
- 3.5 Setiap pasukan hendaklah mempunyai seorang guru pengiring.
- 3.6 Sebarang kos untuk menyertai pertandingan ini ditanggung sepenuhnya oleh setiap pasukan.
- 3.7 Permohonan untuk menyertai pertandingan ini perlu menggunakan borang penyertaan yang disediakan oleh urus setia dan dihantar mengikut tarikh yang ditetapkan.

4. PERINGKAT PERTANDINGAN

Pertandingan ini dijalankan dalam dua peringkat, iaitu:

4.1 Peringkat Negeri

4.1.1 Pertandingan peringkat negeri akan dikendalikan oleh DBP Cawangan/Willayah dengan kerjasama Jabatan Pendidikan Negeri.

4.1.2 Johan peringkat negeri akan mewakili negeri ke peringkat kebangsaan.

4.2 Peringkat Kebangsaan

4.2.1 Pertandingan peringkat kebangsaan akan dikendalikan oleh Bahagian Pengembangan Kesusasteraan Kanak-kanak dan Remaja, DBP.

4.2.2 Sebanyak 16 pasukan yang menjadi johan peringkat negeri akan bertanding mewakili negeri masing-masing pada pertandingan peringkat kebangsaan.

4.2.3 Sekiranya pasukan yang menjadi johan pertandingan peringkat negeri menarik diri daripada menyertai pertandingan peringkat kebangsaan, peluang boleh diberikan kepada naib johan dan seterusnya pemenang tempat ketiga peringkat negeri dengan syarat penarikan diri pasukan dimaklumkan awal kepada penganjur tidak kurang daripada 14 hari daripada tarikh pertandingan peringkat kebangsaan.

5. KAEDAH PERTANDINGAN

5.1 Peringkat Negeri

Pertandingan pada peringkat negeri dilaksanakan **secara dalam talian** dengan dua kaedah pilihan pengendalian. Setiap negeri perlu memilih salah satu kaedah pengendalian, iaitu:

5.1.1 Rakaman video (menggunakan aplikasi telesidang atau rakaman terus perbincangan).

5.1.2 Bagi kaedah rakaman secara video, setiap pasukan perlu **memuat naik rakaman video** ke laman **Facebook** pasukan atau salah seorang peserta dalam pasukan berserta dengan **nama sekolah, tajuk forum dan tanda pagar (hash tag)** yang telah ditetapkan mengikut negeri masing-masing seperti format yang berikut:

- i. #ForumRemajaPerlisDBPKPM2021
- ii. #ForumRemajaPulauPinangDBPKPM2021
- iii. #ForumRemajaPerakDBPKPM2021
- iv. #ForumRemajaKedahDBPKPM2021
- v. #ForumRemajaJohorDBPKPM2021
- vi. #ForumRemajaMelakaDBPKPM2021
- vii. #ForumRemajaSelangorDBPKPM2021
- viii. #ForumRemajaNegeriSembilanDBPKPM2021
- ix. #ForumRemajaWPPKualaLumpurDBPKPM2021
- x. #ForumRemajaWPPutrajayaDBPKPM2021
- xi. #ForumRemajaWPPLabuanDBPKPM2021
- xii. #ForumRemajaPahangDBPKPM2021
- xiii. #ForumRemajaKelantanDBPKPM2021
- xiv. #ForumRemajaTerengganuDBPKPM2021
- xv. #ForumRemajaSabahDBPKPM2021
- xvi. #ForumRemajaSarawakDBPKPM2021

5.2 Peringkat kebangsaan

Pertandingan pada peringkat kebangsaan dilaksanakan **secara dalam talian** menerusi **aplikasi video telesidang** yang akan **disiarkan secara langsung di laman media sosial DBP**.

5.4 Pelaksanaan pertandingan tertakluk kepada Prosedur Operasi Standard (SOP) dan Garis Panduan Pelaksanaan Aktiviti Kokurikulum KPM yang sedang berkuat kuasa bagi mencegah penularan wabak COVID-19.

6. SKOP FORUM

6.1 Perbincangan tajuk forum merangkumi isu-isu:

- 6.1.1 Bahasa
- 6.1.2 Sastera
- 6.1.3 Sosial
- 6.1.4 Budaya
- 6.1.5 Ekonomi
- 6.1.6 Pendidikan
- 6.1.7 Alam sekitar
- 6.1.8 Sains dan teknologi
- 6.1.9 Kesihatan Awam

6.2 Pertandingan pada peringkat negeri, setiap pasukan diberikan kebebasan membina tajuk forum masing-masing berdasarkan skop yang ditetapkan.

6.3 Pertandingan pada peringkat kebangsaan, setiap pasukan akan diberikan tajuk forum yang telah ditetapkan oleh penganjur.

6.4 Setiap pasukan akan mendapat tajuk forum melalui undian.

7. PERATURAN PERTANDINGAN

7.1 Peraturan Am Pertandingan

- 7.1.1 Forum hendaklah dipersembahkan dalam bahasa Melayu.
- 7.1.2 Setiap pasukan diberikan masa selama **20 minit** untuk berforum. Loceng amaran akan dibunyikan sekali, iaitu tiga minit sebelum masa tamat dan dua kali apabila masa tamat.
- 7.1.3 Pertandingan ini dipersembahkan dalam bentuk perbincangan dengan pelibatan seorang pengerusi dan tiga orang ahli panel.
- 7.1.4 Pada pusingan pertama perbincangan, setiap ahli panel akan diberikan ruang untuk menyampaikan pandangan oleh pengerusi mengikut giliran bermula daripada ahli panel pertama, kedua dan ketiga.
- 7.1.5 Manakala pada pusingan berikutnya, setiap ahli panel akan diberikan ruang untuk menyampaikan pandangan berdasarkan pilihan pengerusi.
- 7.1.6 Setiap ahli pasukan perlu memakai pakaian seragam/rasmi sekolah.
- 7.1.7 Setiap pasukan **tidak dibenarkan** sama sekali menimbulkan isu-isu sensitif yang bertentangan dengan undang-undang, perpaduan kaum, agama, tatasusila dan kepentingan negara.
- 7.1.8 Setiap pasukan tidak dibenarkan mendapatkan atau menggunakan bantuan daripada sumber atau pihak luar **semasa** pertandingan dijalankan dalam apa jua kaedah.
- 7.1.9 Bagi kaedah secara langsung, pengerusi pasukan akan memberikan ruang kepada ketua hakim untuk mengemukakan soalan setelah loceng tamat berforum dibunyikan. Ketua hakim akan mengajukan satu soalan kepada pasukan yang bertanding. Tempoh masa yang diperuntukkan kepada pasukan bagi menjawab soalan tersebut ialah lima minit. Ketiga-tiga ahli panel mestilah menjawab soalan yang diajukan secara bergilir-gilir kerana jawapan yang diberikan akan diambil kira dalam pemberian markah bonus kepada pasukan. **(Peraturan ini tidak terpakai bagi kaedah rakaman video).**
- 7.1.10 Peserta simpanan boleh digunakan sekiranya berlaku sebarang masalah dalam kalangan ahli pasukan semasa pertandingan.
- 7.1.11 Hasil video hendaklah belum pernah disiarkan atau digunakan untuk menyertai mana-mana pertandingan.
- 7.1.12 Setiap pasukan perlu memberi jaminan bahawa semua jenis gambar, muzik atau apa-apa bahan penerbitan semasa menghasilkan video tidak melanggar mana-mana hak cipta yang ada dan tidak melanggar mana-mana undang-undang atau yang mengaibkan. Sekiranya berlaku kemungkiran

jaminan ini, penganjur tidak akan bertanggungjawab dan segala kerugian ditanggung oleh peserta.

- 7.1.13 Pihak penganjur tidak bertanggungjawab terhadap sebarang masalah yang melibatkan penghantaran video dan masalah video tidak berfungsi.
- 7.1.14 Pihak penganjur berhak berkongsi video yang terpilih untuk dimuat naik dalam media sosial rasmi dan penerbitan Dewan Bahasa dan Pustaka tanpa sebarang tuntutan oleh peserta.
- 7.1.15 Perlakuan yang kurang sopan seperti menunjukkan isyarat lucah, kesat dan sebagainya semasa pertandingan adalah dilarang. Pihak penganjur berhak menegur dan mengambil tindakan kepada peserta sekiranya berlaku perkara sedemikian.

8. PENGHAKIMAN

- 8.1 Tiga orang hakim akan menghakimi pertandingan peringkat negeri dan peringkat kebangsaan, termasuk ketua hakim.
- 8.2 Hakim pertandingan peringkat negeri terdiri daripada guru bahasa Melayu, pegawai Pejabat Pendidikan Daerah/Jabatan Pendidikan Negeri, Munsyi Dewan atau pegawai DBP atau individu yang difikirkan layak.
- 9.3 Hakim pertandingan peringkat kebangsaan boleh terdiri dalam kalangan pegawai KPM, pakar bahasa, ahli Kesatuan Guru-guru Melayu Malaysia Barat (KGMMB), ahli Persatuan Linguistik Malaysia (PLM), pegawai DBP atau individu yang difikirkan layak.
- 9.4 Keputusan panel hakim adalah muktamad. Sebarang bantahan tidak akan dilayan.

9. PEMARKAHAN

- 10.1 Markah dinilai pada setiap ahli kumpulan. Penilaian markah kumpulan terdiri daripada aspek:

- 9.1.1 Bahasa (40 markah)
 - 9.1.2 Penyampaian (30 markah)
 - 9.1.3 Isi (40 markah)
 - 9.1.4 Pengendalian forum (20 markah)
 - 9.1.5 Soalan spontan atau kreativiti video (10 markah).
-
- (Panduan pemarkahan seperti di Lampiran A)

- 9.2 Bagi markah kreativiti video, markah video boleh dinilai daripada segi suntingan video yang hanya melibatkan pemasukan maklumat yang menyokong perbincangan seperti gambar, carta, keratan akhbar, infografik dan sebagainya.

- 9.3 Sebarang bentuk persembahan seperti nyanyian, deklamasi sajak, dendangan syair dan sebagainya tidak diambil kira dalam pemarkahan dan akan menjejaskan markah penyampaian.
- 9.4 Ahli panel dibenarkan merujuk teks sekali-sekala. Sekiranya hakim mendapati ada peserta yang merujuk teks melebihi daripada yang sepatutnya (5 kali), markah maksimum yang akan dipotong ialah 5 markah daripada keseluruhan markah penyampaian.
- 9.5 Sebarang pandangan yang disampaikan oleh ahli panel setelah loceng penamat dibunyikan tidak akan diberikan markah.

10. TARIKH PERTANDINGAN

11.1 Peringkat Negeri

Tarikh: April-Jun 2021

11.2 Peringkat Kebangsaan

11.2.1 Tarikh Pertandingan: 27-28 Julai 2021 (Selasa-Rabu)

11.2.2 Tarikh Pengumuman Keputusan: 29 Julai 2021 (Khamis)

11. AM

- 11.1 Sebarang perubahan pertandingan ini tertakluk kepada pihak penganjur.
- 11.2 Sebarang tafsiran terhadap konsep pertandingan ini hendaklah dirujuk kepada pihak penganjur.
- 11.3 Jawatankuasa/urus setia berhak membuat keputusan yang difikirkan wajar dan munasabah jika berlaku sebarang perkara yang tidak diingini demi memastikan kelancaran perjalanan pertandingan pada satu-satu masa.
- 11.4 Sebarang pertanyaan boleh merujuk kepada:

**Azlin binti Asmuni,
Bahagian Pengembangan Kesusasteraan Kanak-kanak dan Remaja,
Aras 22, Menara DBP, Jalan Dewan Bahasa,
50960 Kuala Lumpur.
No. Tel.: 03-21479208
No. Faks: 03-21479614
E-mel: azlin_asmuni@dbp.gov.my**

Disediakan oleh:

Bahagian Pengembangan Kesusasteraan Kanak-kanak dan Remaja,
Jabatan Pengembangan Bahasa dan Sastera,
Dewan Bahasa dan Pustaka, Kuala Lumpur.

PANDUAN KAEDAH RAKAMAN VIDEO

Peraturan Teknikal Semasa Rakaman Video

1. Setiap pasukan dikehendaki menyampaikan persembahan di hadapan video kamera (komputer, telefon pintar atau peranti lain) dengan jelas merangkumi aspek visual dan audio. Rakaman hendaklah menggunakan tripod. Format video hendaklah dibuat syot penuh (*full shot*) secara melintang (*landscape*).
2. Rakaman video hendaklah dalam format yang berikut:
 - i. Format MP4
 - ii. Dimensi 1280x720 (HD)
 - iii. Saiz ratio 16:9
 - iv. Resolusi 720 piksel
3. Wajah peserta hendaklah jelas (tidak terlindung).
4. Setiap pasukan dikehendaki memastikan audio rakaman tidak terganggu oleh bunyi-bunyi persekitaran seperti bunyi kipas, bunyi kenderaan dan sebagainya.
5. Pencahayaan latar video mestilah baik dan tidak gelap.
6. Penggunaan telepandu (*teleprompter*) adalah tidak dibenarkan.



**BORANG PENYERTAAN
PERTANDINGAN FORUM REMAJA NEGERI _____**

A. MAKLUMAT PESERTA

NAMA DAN ALAMAT SEKOLAH:

Nama Peserta	No. Kad Pengenalan	Umur	No. Telefon Bimbit	E-mel
<u>Pengerusi</u>				
<u>Ahli Panel 1</u>				
<u>Ahli Panel 2</u>				
<u>Ahli Panel 3</u>				
<u>Simpanan</u>				

*Jika terdapat perubahan kedudukan peserta, hendaklah dimaklumkan kepada pihak penganjur

Tajuk Forum

:

Link URL pada Facebook

:

B. MAKLUMAT GURU PEMBIMBING

Nama Guru Pembimbing

:

No. Telefon Bimbit

:

E-mel

:

C. PENGESAHAN PENGETUA

Dengan ini disahkan bahawa pelajar di atas adalah pelajar sekolah kami:

Tandatangan Pengetua

No. Tel.

No. Faks.

Cap Sekolah

Tandatangan	_____
Nama Hakim	_____
Tangkh	_____



KEMENTERIAN PENDIDIKAN MALAYSIA

PERTANDINGAN DEKLAMASI SAJAK, DENDANGAN SYAIR DAN FORUM REMAJA PERINGKAT WILAYAH PERSEKUTUAN KUALA LUMPUR

APRIL - MEI 2021
SECARA DALAM TALIAN

4 LANGKAH MUDAH MENYERTA:

- ☒ SEDIAKAN VIDEO
- ☒ DAFTARKAN PASUKAN ANDA DI GOOGLE FORM (HANYA 30 TEMPAT TERAWAL SAHAJA)
- ☒ ANDA AKAN DIHUBUNGI OLEH URUS SETIA UNTUK PENGESAHAN
- ☒ MUAT NAIK KE FACEBOOK MASING-MASING DAN PAUTKAN MENGGUNAKAN TANDA PAGAR (#) YANG DIBERIKAN MELALUI KERTAS KONSEP PERTANDINGAN